

# Ўрнингиздан қимирламанг!



14:30 / 03 июнь 1234

Қурайш мушриклари Бадр ғазотидан синган ҳолда чиқди. Ислом уларнинг кибриёсини тупроққа белади. Унда кофирларнинг энг кўзга кўринган бошлиқларидан бир қанчаси ҳалок бўлди.

Мана шу жиҳатдан Уҳуд ғазоти ҳақ ва ботил ўртасидаги кураш маъносида Бадрнинг иккинчи бўлими бўла олмайди.

Уҳуд мушриклар учун қасос олиш бўлса, мусулмонларга нисбатан ислом тарихидаги энг етук дарслардан бири бўлди.

Расулуллоҳ соллаллоҳу алайҳи васаллам Қурайш қўшинининг ўнг томонида Холид ибн Валид (у ҳали мусулмон эмасди) бошчилигидаги лашкарларни кўрдилар. Улар тоғнинг орқасидан бостириб келиб, мусулмонлар қуршовда қолишидан қўрқдилар. Шунинг учун етмишта (бошқа бир ривоятда элликта) камончини тоғнинг тепасида қўйдилар. Уларга очик ҳарбий буйруқ бердилар:

**«Ўрнингиздан қимирламанг. Гарчи мағлуб бўлаётганимизни кўрсангиз ҳам бизга ёрдам берманглар. Ғалаба қилаётганимизни кўрсангиз ҳам бизга шерик бўлманглар!»**

Уруш бошланди. Мусулмонлар чиройли ҳаракат қилишди. Қурайш Бадрда кўрган азобларини яна кўра бошлади. Мушриклар қоча бошлади.

Мусулмонлар уларни қува бошлади. Ҳалиги тоғда турган камончилар ҳам

Ғалаба ва ўлжадан насибадор бўлиш учун тоғдан тушишди. Ана шунда Расууллоҳ соллаллоҳу алайҳи васалламнинг қўрқсан ишлари содир бўлди. Холид орқа томондан ҳужум қилди. Мусулмонлар ўртада қолиши. Ғалаба мағлубиятга чалиниб йиқилди.

### **Бу итоатсизликдан яхши дарс олиниши керак:**

«Бу уммат Пайғамбари ва қўмондонининг амрини бажармас экан, ғалабага эриша олмайди».

Бугун Уҳуд жанги тугаган бўлса-да, мусулмонларнинг ортини ҳимоя қиласиган камончилар хатоси тўхтагани йўқ.

Барча майдонларда бу динни ҳимоя қиласиганларга шарафлар бўлсин!

Бош эгиш ва турли рангларда тусланишдан воз кечиб, чўғни тутиб турганларга шарафлар бўлсин!

Улар заифлашганларида Расууллоҳ соллаллоҳу алайҳи васалламнинг: «Ўрнингиздан қимиrlаманг!», деган овозларини эшитадилар.

Фарзандларини намоз, рўза ва гўзал ахлоқ ила тарбия қилаётган азиз оналар! Сиз бизнинг орқа томондан ҳимоя қиляпсиз. Ўрнингиздан қимиrlаманглар!

Фарзандларидан «Амма ятаса'алун» порасини сўраётган азиз оталар! Сиз бизни ортдан келиб зарба берадиганлардан ҳимоя қиляпсиз. Ўрнингиздан қимиrlаманглар!

Бу авлодни тарбияласа яна Абу Бакрлар, Умарлар, Усмонлар чиқишига ишонадиган карамли устозлар! Сиз бизни орқа томондан ҳимоя қиляпсиз. Ўрнингизда маҳкам туринглар!

Бошлиқларидан олдин ўзларини Аллоҳ кузатиб турганини билиб, сидқидилдан, вижданан ишлаётган вазифадорлар! Сизлар бизни орқа томондан ҳимоя қиляпсиз. Ўрнингиздан қимиrlаманглар!

Ҳеч бир алдовсиз-хиёнатсиз бино қураётганлар, кўприк, метро ва йўллар бино қилаётган азиз муҳандислар! Сиз бизни орқа томондан ҳимоя қиляпсиз. Ўрнингиздан қимиrlаманглар!

Фарзанд парваришига тайёргарлик ўлароқ ўзларини иффат асосида тарбиялаётган мастура қизлар! Сизлар бизни орқа томондан ҳимоя

қиляпсиз. Ўрнингизда маҳкам туринглар!

Бомдод намозининг ёшлари! Қуръон дарслари ишқибозлари! Илм мажлислари ошиқлари! Сизлар бизнинг мустаҳкам қалқонимизсиз. Ўрнингиздан қимирламанглар!

Ҳар биримиз ўзимиз ҳақимизда ўйлаб кўрсак, бу диннинг ходими ва аскари эканимизни англаймиз. Ҳар биримиз муҳим бир ўриндамиз. Қандайдир бўшлиқни тўлдирамиз, хатарни даф қиласиз. Аллоҳ бизнинг ҳар биримизни муҳим бир ўринга қўйган. Гарданимизга омонат ва масъулият юклаган.

Ўрнимиздан қимирламайлик!

**«Набавий тарбия» китоби асосида тайёрланди**

Ушбу китоб Ўзбекистон Республикаси Дин ишлари бўйича қўмитанинг 2023 йил 7 мартағи 03-07/1506-рақамли ва 2023 йил 24 мартағи 01-07/1959-рақамли хulosалари асосида тайёрланган.